

E R P A C H

C O M I T A T V S.

51

Ad pri-
mum Im-
perii circ-
ulum perti-
net.



Ertinet Comita-
tus *Erpach* ad pri-
mum Circulum
Imperii, qui *Fra-*
conia dicitur. In
hoc siquidem ad
Concilium evo-
cantur *Ecclesiasti-*
ci isti, Bamber-

gensis Episcopus, Herbipolensis Epi-
scopus, Eickstettensis Episcopus, tum
Magister Ordinis Teutonici, Præpo-
situs Cambergensis, Abbas S. Gilgenf.
in oppido Noribergensi. *Seculares* nobi-
les isti, Marchio Brandenburgensis, Co-
mites Hennenbergensis, Castellensis,
Wertheim, Rheineck, Hohenloe: DD.
Reichelsperg, Limpurg, Comites Er-
pach, & Swartzenburg. Denique et-
jam civitates liberæ, Noriberga, Rot-
tenburgum, Winshemium, & Schwin-
furtum. Franconia ergo pars est non
ignobilis, nomen sortita ab urbe pri-
maria *Erpach*. Vicinos habet Palatina-
tum Rheni, Comitatum Hohenloe,
Comitatum Werthaim, & ultra Mœ-
num Comitatum Hanau. Termina-
tionem habet, qualem Germaniæ lo-
ca plurima in *Ach*, quæ uti A A, E E,
aquam significat, ut Breed-A A, Wyd-
A A, Bry-sach, Eber-bach, Murpach,

Franconia
pars.

Lan-bach, Auspach, Aberspach, &c.
Præstantissimis fluminibus irrigatur,
& hinc inde clauditur, Mœno, & Nec-
care. Mœnum à Septentrione habet,
Neccarem à Meridie. Vicinas quoque
urbes habet Francofurtum ad Mœ-
num, Heidelbergam ad Neccarem, &
Wormatiâ ad Rhenum.

Aer regionis purus est, saluberri-
musque; omnis generis frumenti fera-
cissimus, ac multis in locis colles viti-
bus confiti vinum gignunt. Est etiam
undecunq; terra cultissimis pomariis
& pratis amœna, animalium domesti-
corum, ferarumque dives. Gens ipsa
viribus armisque potens, nobilitate
pollens, ingeniosa, laborum patiens.
Præter *Erpach* metropolim urbeculas
plures habet, *Hirschhorn* & *Eberbach*, in ri-
pa Neccaris, *Beurfelden*, *Michelbach*, nec
longe ab *Erpach* *Michelstatt*, item *Fur-*
stenau, *Miltenberg* ad Mœnum, aliasq;.
Amoenissimus eam ad Rheni latus
claudit Viæ Bergensis (Bergstraet vo-
cant) tractus, arboribus hinc inde, vel-
ut de industria, confitus. Excurrit eâ
à Darmstadio recto fere itinere Hey-
delbergam usque, plurimaque loca in
heim (Germanis ædificium significat)
desinentia pertransit.

Aer.

Solus.

Vites.

Germania.

D d d